



health

Department of
Health
FREE STATE PROVINCE

**BUKANA YA LEFAPHA LA BOPHELO LA FREISTATA
HO YA KA KAROLO 14 YA MOLAO WA NTSHETSOPELE YA
PHIHLELLO YA LESEDI (MOLAO 2 WA 2000)**

SELEMO SA DITJHELETE: 2016/17

TSE KA HARE

- 1. Ketapele**
- 2. Diaterese.**
- 3. Tlhaloso ya Bukana ya tataiso e boletsweng Karolong 10.**
- 4. Tlhaloso ya ditheo le mesebetsi.**
- 5. Motjha wa kopo ya rekoto, tlhaloso ya dihlooho tsa direkoto tsa FSDOH le dihlopha tsa direkoto tsa sehlooho ka seng.**
- 6. Dihlopha tsa direkoto tse fumanehang ntle le hore motho a etse kopo, ho ya dipehelo tsa Molao ona.**
- 7. Tlhaloso ya ditshebeletso tse fuwang setjhaba.**
- 8. Ditlhophiso ho ya ka dipehelo tsa Karolo 14(1)(g).**
- 9. Ditharollo tse teng ho ya ka molao kapa ho sitwa ho latela molao wa FSDOH.**
- 10. Phumaneho ya Bukana**

1. KETAPELE

Molao wa Ntshetsopele ya Phihlello ya Lesedi o kentswe tshebetsong ho atlehisa tokelo ya ho fihlella lesedi la Mmuso kapa setheo sefe kapa sefe, le hlokehang bakeng sa tshireletso kapa kananelo ya tokelo efe kapa efe, jwalo ka ha ho boletswe molaong wa motheo,

Bukana ena e hlophisitswe ho ya ka Karolo 14 ya Molao wa Ntshetsopele ya Phihlello ya Lesedi, wa 2000, ho nnetefatsa hore Lefapha la Bophelo la Freistata le latela Molao (o hlalositse e le FSDOH, Molaong).

2. DIATERESE

Ntlokgolo ya FSDOH e fumaneha:

a) Aterese ya poso:

PO Box 227
Bloemfontein
9300

b) Aterese ya Sererata:

Bophelo House
Corner of Harvey Road and Charlotte Maxeke Street
Bloemfontein
9300

c) Mohlanka wa Lesedi:

Ngk. D Motau
Nomoro ya Mohala: 051 408 1108
Nomoro ya Fekse : 051 408 1950
Imeili : motaud@fshealth.gov.za

d) Motlatsa-Mohlanka wa Lesedi:

Mong. MJ Finger

Nomoro ya Mohala: 051 408 1483
 Nomoro ya Fekse : 051 408 1761
 Imeili : fingermj1@fshealth.gov.za

3. TLHALOSO YA BUKANA YA TATAISO E BOLETSEWENG KAROLONG 10

Khomishene ya Ditokelo tsa Botho e hlophisitse bukana ya tataiso ya hore motho ya batlang ho phetha tokelo enngwe le enngwe ya hae e boletsweng Molaong wa Ntshetsopele ya Phihlello ya Lesedi, Molao 2 wa 2000, o ka etsa jwalo.

Bukana ena e fumaneha websaeteng ya Khomishene ya Afrika Borwa ya Ditokelo tsa Botho (www.sahrc.org.za) mme e hlalosa tshebetso ya ho romela kopo, se ka lebellwang ho tswa ho mohlanka wa lesedi kapa setheo sa setjhaba, ha phihlello ya lesedi e hanwa semolao le hore ho ka etswa eng ha dikopo di hannwe, ho ya ka dipehelo tsa Molao wa Ntshetsopele ya Phihlello ya Lesedi, ke Mohlanka wa Lesedi kapa Motlatsa-mohlanka wa Lesedi wa Setheo sa Setjhaba.

4. MESEBETSI LE POPEHO YA LEFAPHA

4.1 MAIKEMISETSE LE PONELOPELE

PONELOPELE

Ho eketsa dilemo tsa ho phela ha batho ka mokgwa wa tshebetso o atlehileng ho tsa bophelo, taolo ya phetoho ya mokgwa wa tshebetso le ho nnetefatsa ditshebeletso tsa boleng bo sireletsehileng.

MAIKEMISETSE

- Ka ho theha setheo se laolwang ke melao ya boitshwaro e tlang bokgoni le boikarabelo tshebetso, ho faneng ka sephetho se atlehileng mme e bile e le se hlokehang.
- Ho sebedisa ka hohlehohe disebediswa tsohle tsa lona ho fana ka ditshebeletso tsa tlhokomelo le kutlwelo bohloko; ho matlafatsa le ho hlabolla basebetsi le bakgathatema bohle ba lona le;
- Ho amohela mokgwa o itshetlehileng ka bopaki le ka lesedi wa ho rala le ho nka diqeto bakeng sa phihlello ya bophelo bo botle.

4.2 POPEHO YA LEFAPHA

FSDOH e ka tlasa boetapele ba Setho sa Lekgotla la Phethahatso (Letona) le Hlooho ya Lefapha mme e arotswe ho ya ka dikarolwana tse latelang:

LENANEO 1: TSAMAIISO

Sepheo: Maikemisetso a Lenaneo lena ke ho fana ka taolo ka kakaretso le tshehetso tsamaisong ya Lefapha.

Lenaneo 1 le na le mananewana a latelang:

- Kantoro ya Letona (MEC)
- Bolaodi

Kantoro ya Letona (MEC)

Kantoro ya Letona (MEC) e fana ka tshehetso ho Letona

Bolaodi

Lenanewana lena le latelang la bolaodi ba tsamaiso: lenaneo 1 le akaretsa bolaodi le bolaodi ba sehlooho bo latelang: kantoro ya Hlooho ya Lefapha le bolaodi ba phethahatso le tshehetso ya FSDOH; Bodisa le Tekolo ya tshehetso ya mawala a tshebetso, Bodisa le Tekolo, Taolo ya Lesedi la Bophelo le Dipatlisiso, Taolo ya tsa Basebetsi, SCM, Sebaka sa polokelo ya Meriana le Taolo ya Thepa, Lesedi, Dikgokahano le Thekenoloji, Ditshebeletso tsa Meriana, Ditshebeletso tsa Tsamaiso ya Polokeho, Dikamano tsa Setjhaba, Dikgokahano le Papatso ya Ditshebeletso le Mananeo a Ikgethang (bong, taolo ya boqhwalala le tlhabollo ya batjha)

LENANEO 2: DITSHEBELETSA TSA BOPHELO DITEREKENG (DHS)

SEPHEO SA LENANEO

Lenaneo lena le ikarabella bakeng sa phano le theho ya Ditshebeletso tsa Bophelo Ditererekeng. Le fana ka Taolo Ditererekeng, Dikliniki tsa Bophelo tsa Baahi, Ditsha tsa Bophelo tsa Baahi, Ditshebeletso tsa Baahi, HIV/AIDS, Phepo le Dipetlele tsa Ditereke.

Lenaneo 2 le na le mananewana a latelang:

- Taolo ya Setereke
- Ditlilini tsa Baahi le Ditsi tsa Bophelo tsa Baahi
- Dipetlele tsa Setereke
- Taolo ya HIV/AIDS, Mafu a Thobalano le Lefuba
- (Phepo) Bophelo bo botle ba Boimana, Bana le Basadi
- Thibelo le Taolo ya Mafu
- Ditshebeletso tsa Ditlhahlobo le Ditlamorao ho tsa Forensiki

LENANEO 3: DITSHEBELETSO TSA BONGAKA TSA TSHOHANYETSO (EMS)

Sepheo sa Lenaneo

Maikemisetso a Lenaneo 3 ke ho fana ka Pholoso ya tsa Bongaka, tsehetso ya Kalafo le dipalangwang ho nnetefatsa hore bakudi ba boemong bo tsitsitseng mme ba tsamaiswa ho ya fumantshwa tlhokomelo eo ba e hlokanakong e nnyane haholo.

Tlhaloso ya Lenaneo

Lenaneo lena le na le mananewana a latelang:

- Dipalangwang tsa Tshohanyetso
- Dipalangwang tse Reretsweng Bakudi

Ditshebeletso tseo ho fanwang ka tsona di kenyeleditse:

- Tlhokomelo ya tshohanyetso ya pele o fihla sepetlele:
 - o Ditshebeletso tsa Tshohanyetso tse Potlakileng
 - o Ditshebeletso tsa Pholoso
 - o Ditshebeletso tsa Dikoloi tsa Bakudi
 - o Ditshebeletso tsa Bongaka ba Difofane
- Tlhokomelo ya bongaka ya phapanyetsano le ho tsamaiswa ha bakudi
- Ditshebeletso tsa dipalangwang tse reretsweng Bakudi
- Taolo ya Karabelo ya Dikoduwa

LENANEO 4: DITSHEBELETSA TSA DIPETLELE TSA PROVENSE

Sepheo sa Lenaneo

Sepheo sa Lenaneo lena ke taolo ka kakaretso, bodisa le phano ya ditshebeletso tsa Boemo 2 (level 2) le tsa bohlanga ka hara Freistata, tse mabapi le mokgwa wa tshebetso ya tsa bophelo diterekeng.

Lenaneo 4 le na le mananewana a latelang

- Dipetlele tsa Mafu ka Kakaretso:
Ho ntlafatsa boleng ba ditshebeletso tsa bophelo
Ho nnetefatsa ho ikamahanya le Maemo le ditlhoko tsa Naha tsa Motheo, hore dipetlele di tshwanelwe ke tumello ya NHI

Ho fokotsa ho shwa ha batsetse le bana
- Dipetlele tsa kalafo ya Mafu a Kelello:

Ho fa baahi ba Freistata ditshebeletso tse loketseng le tse fihlillehang.
Ho ntlafatsa boleng ba ditshebeletso tsa Bophelo

LENANEO 5: DITSHEBELETSA TSE BOHARENG TSA DIPETLELE

Sepheo sa Lenaneo

Maikemisetso a Lenaneo 5 ke ho laola, ho disa, ho hlophisa le ho fana ka ditshebeletso tsa thuto e phahameng tsa boemo III le IV ka hara Provense ya Freistata le thupello, thuto, le ditshebeletso tsa dipatlisiso le phano ya ditshebeletso tsa dikolo tsa bongaka le dikolo tse ding ka hara setheo.

Le na le mananewana a latelang:

- a) Ditshebeletso tse Bohareng tsa Dipetlele (Sepetlele sa Thupello sa Universitas)
- b) Tshebedisano mmoho ya Dipetlele tsa Praefete le tsa Setjhaba
- c) Ditshebeletso tsa Thuto e Phahameng tsa Provense

LENANEO 6: DITHUTO TSA MAHLALE TSA BOPHELO LE THUPELLO (HST)

Sepheo sa Lenaneo

Lenaneo lena le ikarabella phanong ya thupello ya basebetsi ba bongaka ba tshohanyetso le Baoki (Ho kenyeletsa le Thupello ya Tlhokomelo ya Motheo ya Bophelo) ekasitana le kgodiso ya dipatlisiso le tlabollo ya mokgwa wa tshebetso wa tsa bophelo.

Lenaneo 6 le na le mananewana a 5:

- Dikholeje tsa Thupello ya Baoki
- Dikholeje tsa Thupello tsa EMS (Ditshebeletso tsa Bongaka tsa Tshohanyetso)
- Dibasari
- Thupello ya Tlhokomelo ya Motheo ya Bophelo
- Thupello, le tse ding.

LENANEO 7: DITSHEBELETSO TSA TSHEHETSO YA TLHOKOMELO YA BOPHELO (HCSS)

Sepheo sa Lenaneo

Maikemisetso a lenaneo lena ke ho fana ka ditshebeletso tsa tshehetso tseo Lefapha le di hlohang ho phethahatsa maikemisetso a lona.

Lenaneo 7 le na le mananewana a latelang:

- ☐ Ho hlatswa
- ☐ Matsoho le Maoto a maiketsetso
- ☐ Akhaonto ya Kgwebo ya Meriana (**MEDPAS**).

LENANEO 8: TAOLO YA DIBAKA TSA BOPHELO (HFM)

Sepheo sa Lenaneo

☐ Lenaneo lena le ikarabella bakeng sa phano ya dibaka tse lekaneng tsa bophelo le mawala a motheo a tshebetso.

Lenaneo 8 le na le mananewana a 3:

- ☐ Dibaka tsa Bophelo tsa Baahi
- ☐ Ditshebeletso tsa Dipetlele tsa Ditereke

- □Ditshebeletso tsa Dipetlele tsa Provense

4.3 DITHEO TSE WELANG KA TLASA LEFAPHA

a) Dipetlele tsa Lebatowa

1. Sepetlele sa Lebatowa sa Bongani
2. Sepetlele sa Lebatowa sa Boitumelo
3. Sepetlele sa Lebatowa sa Dihlabeng
4. Sepetlele sa Lebatowa sa Mofumahadi Manapo Mopeli

b) Dipetlele tsa Thuto e Phahameng

1. Sepetlele sa Pelonomi
2. Sepetlele sa Thupello sa Universitas

c) Dipetlele tsa Ditereke / Ditsi

1. Sepetlele sa Setereke sa Elizabeth Ross
2. Sepetlele sa Setereke sa Katleho / Winburg
3. Sitsi sa Sepetlele sa Setereke sa Metsimaholo / Parys
4. Sitsi sa Sepetlele sa Setereke sa Phekolong / Nketoana
5. Sitsi sa Sepetlele sa Setereke sa Thebe / Phumela
6. Sitsi sa Sepetlele sa Setereke sa Thusanong / Nala
7. Sitsi sa Sepetlele sa Setereke sa Tokollo / Mafube
8. Sitsi sa Sepetlele sa Moroka / Mantsopa

9. Sepetlele sa Setereke sa Botshabelo

10. Sitsi sa Sepetlele sa Phuthuluha / Itemoheng / DJ Newberry

11. Sitsi sa Sepetlele sa Embekweni / Stoffel Coetzee

12. Sepetlele sa Setereke sa Diamant

13. Sepetlele sa Setereke sa Naha

d) Dipetlele tsa Kalafo e Ikgethang

1. Sitsi sa Kalafo ya Mahlanya sa Freistata

e) Ditheo tse Ding

1. Kholeje ya Freistata ya Tlhokomelo ya Tshohanyetso;

2. Ditsha tsa Tlhokomelo ya Bophelo ba Baahi le Dikliniki;

3. Sekolo sa Booki sa Freistata;

4. Sebaka sa polokelo ya meriana;

5. Ditshebeletso tsa ho hlatswa.

f) Makgotla

1. Makgotla a Sepetlele

2. Lekgotla la Tekolobotjha ya Mahloko a kelello

3. Lekgotla la Sekolo sa Booki sa Freistata

4. Senate sa Sekolo sa Booki sa Freistata

5. Lekgotla la Kholeje ya Tlhokomelo ya tsa Tshohanyetso ya Freistata

6. Senate sa Kholeje ya Tlhokomelo ya tsa Tshohanyetso ya Freistata

5. MOTJHA WA KOPO YA REKOTO, TLHALOSO YA DIHLOOHO TSA DIREKOTO TSA FSDOH LE DIHLOPHA TSA DIREKOTO TSA SEHLOOHO KA SENG.

a) Motjha wa kopo ya phihlello ya rekoto ho ya ka dipehelo 6

Ya etsang kopo o lokela ho fumantshwa rekoto ya setheo sa setjhaba ha a latela ditlhoko tsa motjha wa tsamaiso tse Molaong mme phihlello ya rekoto eo e sa hanwa ka mabaka afe kapa afe a kgano a boletsweng Molaong. Kopo efe kapa efe ya phihlello ya rekoto e sa fumaneheng ntle le ho etsa kopo e lokela ho romelwa ka hore ho tlatswe Foromo ya Phihlello ya rekoto (Foromo A) mme e romelwe ho Motlatsa-Mohlanka wa Lesedi wa FSDOH.

Kopo efe kapa efe ya mofuta oo (ho sa kenyeletse ya etsang kopo) e lokela ho tsamaya le bopaki ba tefello ya kopo, ya tjhelete e etsang R35.00, jwalo ka ha e fetoha nako le nako, ho ya ka dipehelo tsa Molao.

Ha kopo ya phihlello ya rekoto e dumetswe, ya etsang kopo o tla koptjwa ho lefa tefello ya tlhahiso ya rekoto eo, e behilweng ho ya ka melao e boletsweng Molaong wa Ntshetsopele ya Phihlello ya Lesedi, mme ya etsang kopo o tla tsebiswa ka mokgwa oo kopo e tla dumellwa ka oona mme o tla boela a tsebiswa hore a ka etsa boipiletso ba ka hare ho Letona (MEC) mme ha a sa kgotsofala, a ka etsa kopo lekgotleng la dinyewe kgahlano le tefello ya phihlello ya rekoto le motjha wa tsamaiso bakeng sa ho etsa kopo eo.

Ha kopo ya phihlello ya rekoto e dumetswe, ya etsang kopo o tla tsebiswa ka mabaka a kgano mme o tla tsebiswa le hore a ka etsa kopo lekgotleng la dinyewe kgahlano le kgano ya kopo eo hammoho le motjha wa tsamaiso.

Ba etsang kopo ba tla tsebiswa pele matsatsi a 30 a feta ho fumanwe Foromo ya Kopo ya Phihlello ya rekoto e tlatsitsweng ka botlalo hore kopo e dumetswe kapa tjhee, ntle le ha eba nako e ile ya eketswa, ho ya ka dipehelo tsa Molao.

Ditefello kaofela di lokela ho lefswa akhaontong ya banka ya FSDOH, ka di ntlha tse latelang:

Banka: Standard Bank

Mofuta wa akhaonto: Tjheke

Monga Akhaonto: FSPG: Lefapha la Bophelo

Nomoro ya Akhonto: 204 323 165

Khouto ya Lekala: 0555 3400

Lebitso la lekala: Brandwag Branch

Referense: 3800000 sefane le tlhaku ya pele ya lebitso la ya etsang kopo

b) Boipiletso

Ya etsang kopo a ka etsa boipiletso kgahlano le sephetho le motjha wa tshebetso ho Setho sa Lekgotla la Phethahatso mme ha a sa kgotsofala, a ka etsa kopo lekgotleng la dinyewe.

c) Dihlooho le Dihlopha tsa Direkoto (Karolo 14)

Ho sebetsa tse latelang

TLHALOSO YA DIREKOTO TSE SA FUMANEHENG NTLE LE HORE HO ETSWE KOPO, LE TSE TSE KA KOPTJWANG HO YA KA MOLAO WA NTSHETSOPELE YA PHIHLELLO YA LESEDI.

- Metsotso ya dikopano tsohle (bolaodi, basebetsi, dikomiti le Makgotla)
- Direkoto tsa Khiri ya Basebetsi
- Direkoto tsa tshebetso ya bongaka
- Direkoto tsa dikoloi tsa bakudi
- Dikontraka, Ditumellano tsa boemo ba tshebeletso le Dikontraka tsa phapanyetsano
- Diphuputso le ditlaleho tsa kgalemo
- Ditokomane tsa kopo le ditokomane tse ding tsa letoto la phephelo

- Dikopo tsa ka hare, disekhulara le ditokomane
- Diphetho tsa dithuto tsa morutwana / moithuti
- Direjistara tsohle (jk thepa, tahlehelo, nehelano le taolo ya ho kena ha baeti)
- Ditlaleho tsa diteko tsa ditopo
- Mohala wa ditlaleho tsa Lefapha la Bophelo
- Mohala wa ditlaleho tsa thibelo ya bobodu
- Mohala wa ditlaleho tsa kantoro ya moPresidente
- Dikopo tsa mangolo a tumello a Dipetlele tsa Praefete
- Ditlaleho tsa tlhahlobo ya dipetlele tsa Praefete.

6. DIHLOPHA TSA DIREKOTO TSE FUMANEHANG NTLE LE HORE MOTHO A ETSE KOPO YA PHIHLELLO HO YA KA DIPEHELO TSA MOLAO WA NTSHETSOPELE YA PHIHLELLO YA LESEDI

Ho ya ka dipehelo tsa Karolo 15(2) ya Molao wa Ntshetsopele ya Phihlello ya Lesedi, Tonakgolo (Minister) o lokela phatlalatsa tsebiso ya direkoto tse fumanehang ntle le hore ho etswe kopo, Pampiring ya Mmuso.

TLHALOSO YA DIHLOPHA TSA DIREKOTO TSE FUMANEHANG NTLE LE HORE HO ETSWE KOPO HO YA KA DIPEHELO TSA KAROLO 15(1)(A) YA MOLAO WA NTSHETSOPELE YA PHIHLELLO YA LESEDI, WA 2000	MOKGWA WA PHIHLELLO YA DIREKOTO (mohlala. websaete) (KAROLO 15(1)(b))
BAKENG SA TLHAHLOBO HO YA KA DIPEHELO TSA KAROLO 15(1)(a)(i):	

<ul style="list-style-type: none"> • Maano a lefapha, melao le dipehelo • Ditlaleho tsa Selema le selema • Mawala a tshebetso (Meralo ya tshebetso ya Selema) • Meralo ya Tekano Mosebetsing • Ditlaleho tsa Tekano Mosebetsing • Moralo wa Tsamaiso ya tsa Basebetsi • Diqeto tsa lekgotla la dinyewe • Diqeto tsa dinyewe • Dinomoro tsa kgokahano tsa Lefapha • Doforomo tsa Lefapha kapa tsa Mmuso • Dipuo le Dipuo tsa Ditekanyetso ka Letona (MEC) • Masedinyana, diphostara le Diphatlalatso • Diphephetjhana tsa Bophelo • Dipalopalo tsa ho kgotsofala ha bareki le ditlaleho • Dipalopalo tsa ditletlebo tse entsweng • Ditharollo tsa Lekgotla la Ditherisano • Dipotso tsa bophatlalatsi le dikarabo • Ditataiso ka tsa Bophelo • Metjha ya tshebetso e latelwang • Lenane la Ditheo tseo e seng tsa Mmuso, tse sebetsang le Lefapha. 	<ul style="list-style-type: none"> • Direkoto di ka hlahlojwa ka mora hore ditlhophiso di etswe le Motlatsa-Mohlanka wa Lesedi / kapa ka mora di fumanehile ka ho etela www.fshealth.go.za
<p align="center">BAKENG SA HO REKWA HO YA KA DIPEHELO TSA KAROLO 15(1)(a)(ii):</p>	
<ul style="list-style-type: none"> • Khophi ya mangolo a thuto • Metjha ya motheo ya tshebetso ya Kholeje ya Freistata ya Tlhokomelo ya tsa Tshohanyetso 	<ul style="list-style-type: none"> • Ka ho kopa tseo ho Dihlooho tsa Dikolo tsa Booki le Kholeje ya Tlhokomelo ya tsa Tshohanyetso, le ka ho lefshwa ha ditefello tse boletsweng tsa dikholeje
<p align="center">BAKENG SA HO ETSWA KHOPHI HO YA KA DIPEHELO TSA KAROLO 15(1)(a)(ii):</p>	

<ul style="list-style-type: none"> • Direkoto kapa diphetho tsa dithuto tsa bauthuti • Maano a Lefapha le dipehelo • Ditlaleho tsa Selemo le Selemo • Meralo ya Mawala a Tshebetso (Moralo wa tshebetso wa selemo le selemo) • Meralo ya Tekano Mosebetsing • Dinomoro tsa Kgokahano tsa Lefapha • Diformo tsa Lefapha • Dipuo ka Letona (MEC) • Masedinyana, diphostara le Diphatlalatso • Diphephetjhana tsa Bophelo • Ditharollo tsa Lekgotla la Ditherisano • Dipotso tsa bophatlalatsi le dikarabo • Ditataiso ka tsa Bophelo • Metjha ya tshebetso e latelwang 	<ul style="list-style-type: none"> • Bakeng sa direkoto tsa dithuto, ho ka ikopanngwa le hlooho ya sekolo kapa kholeje e amehang. • Direkoto di ka fumanwa ka ho etsa kopo ka lengolo ho Motlatsa-Mohlanka wa Lesedi mme ha tefello ya ditjhelete tse hlokehang e entswe, di ka fumanwa ka ho etela websaete www.fshealth.gov.za, moo ho hlokehang.
DI FUMANEHA NTLE LE TEFELLO HO YA KA DIPEHELO TSA KAROLO 15(1)(a)(III):	
<ul style="list-style-type: none"> • Dibraotjha tsa Dikholeje • Bukana ya dithuto tsa dikholeje • Dinomoro tsa kgokahano • Dipuo ka Letona (MEC) • Masedinyana, diphostara le Diphatlalatso • Diphephetjhana le diphostara tsa bophelo 	<ul style="list-style-type: none"> • Ka ho etela Dikolo tsa Booki le dikholeje tsa tshohanyetso kapa Lefapha, mme di koptjwe tafoleng ya kamohelo.

7. TLHALOSO YA DITSHEBELETSO TSE FUMANTSHWANG SETJHABENG LE HORE O KA FIHLELLA DITSHEBELETSO TSENA JWANG:

Ditshebeletso tseo FSDOH e fanang ka tsona ke ditshebeletso tsa bophelo tse fumanehang Dipetleleng tsa Lebatowa le tsa Ditereke, Dikliniking le dibakeng tse ding tse boletsweng seratswaneng 4 ka hodimo.

8. DITLHOPHISO HO YA KA KAROLO 14(1)(G) YA MOLAO WA NTSHETSOPELE YA PHIHLELLO YA LESEDI (HO BA LE SEABO HA SETJHABA HO RALWENG HA LEANO)

Ha diqeto di nkilwe ke FSDOH, FSDOH e tla latela dipehelo tsa Molao wa Ntshetsopele ya Tsamaiso ya Toka mme e dumelle batho bao ditokelo tsa bona di amehang ho fana ka dipehelo (jk dikopano tsa setjhaba kapa motjha wa ditsebisano le pehelo) pele FSDOH e nka qeto.

9. DITHAROLLO TSE TENG HO YA KA MOLAO KAPA HA FSDOH E SITWA HO NKA MEHATO

Ha ya etsang kopo a sa kgotsofala ke sephetho sa Kopo ya hae ya Phihlello ya Lesedi, a ka etsa boipiletso ho Letona (MEC) mme ka morao ho moo a leba lekgotleng la dinyewe ka morao ha hore a latele metjha yohle ya ka hare.

Mohato ofe kapa ofe o boletsweng kapa ho sitwa ho nka mehato, ho ka lebiswa ho ba Phethahatso, ha ho se na tharollo; ho ka tlalehwa setheong sefe kapa sefe ho tse ngotsweng ho Kgaolo 9 ya Molaotheo wa Afrika Borwa le ho Khomishene ya Tshebeletso ya Setjhaba, ha ho lokela.

10. NTJHAFATSO LE PHUMANEO HO BUKANA YA TATAISO

Ho ya ka ditlhoko tsa Molao, ha ho hlokeha, bukana ena e tla ntjhafatswa ka mora nako e sa feteng selemo.

Bukana ena e fumaneha jwalo ka ha ho boletswa ke Molao wa Polokelo ya Ditokomane mme e fumaneha websaeteng ya FSDOH (www.freestateonline.fs.gov.za) mme e romelwe ho Khomishene ya Ditokelo tsa Botho ya Afrika Borwa.

Bakeng sa tshebediso ke ba kantoro fela:

Tumello ya bukana ena ka Hlooho ya Lefapha:

Letsatsi: _____

Tshaeno: _____